

OKVIRNI SPORAZUM

o pružanju usluga servisiranja i popravke fotokopir aparata, multifunkcijskih aparata/faks aparata, printera, skenera i projektora

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, Reisa Džemaludina Čauševića 6/III, kojeg zastupa predsjednik Ustavnog suda, Mirsad Ćeman (u daljem tekstu: **Naručilac usluga**),

i

„ALF-OM“ d.o.o. Banjaluka, Mladena Stojanovića 43-45, koga zastupa Darko Suvajac, Izvršni direktor (u daljem tekstu: **Davalac usluga**).

Član 1.

Predmet ovog okvirnog sporazuma je pružanje usluga servisiranja i popravke fotokopir aparata, multifunkcijskih aparata/faks aparata, printera, skenera i projektora za potrebe Naručioca usluga, sa sjedištem u ulici Reisa Dž. Čauševića 6/III u Sarajevu.

Član 2.

Davalac usluga se obavezuje da će brzo i kvalitetno pružiti usluge servisiranja i popravke fotokopir aparata, multifunkcijskih aparata/faks aparata, skenera i projektora, u skladu sa Ponudom broj 0492/VS od 17. jula 2015. godine, koja je sastavni dio ovog ugovora, a po pozivu Naručioca usluga.

Rokovi za odziv na poziv za intervenciju dolaskom Davaoca usluga na lice mjesta i rokovi za popravak kvarova na opremi iz člana 1. ove odluke sadržani su u Ponudi iz stava 1. ovog člana.

Član 3.

Cijena norma sata servisa za opremu iz člana 1. ovog ugovora sadržana je u Ponudi iz člana 2. stav 1. ovog ugovora i iznosi 0,04 KM bez PDV-a i uključuje sve pripadajuće troškove vezane za servis, uključujući i troškove transporta. Naručilac usluga ne snosi troškove u vezi sa dolaskom servisera na lice mjesta.

Član 4.

U slučaju identifikacije kvara i utvrđenog rezervnog dijela koji treba zamijeniti, Davalac usluga dužan je dostaviti cijenu rezervnog dijela (predračun). Naručilac usluga zadržava pravo provjere cijene rezervnog dijela na tržištu (putem ispitivanja tržišta, interneta, ...) i prigovora na istu. Ukoliko je cijena rezervnog dijela realna tržišna cijena, Naručilac usluga će prihvatiti ponudu, a ako je značajno viša od realne tržišne cijene, Naručilac usluga zadržava pravo da sam nabavi rezervni dio, koji je Davalac usluga dužan ugraditi u skladu sa uslovima navedenim u ponudi iz stava 1. člana 2. ovog ugovora.

U slučaju zamjene rezervnih dijelova Davalac usluga uz fakturu obavezan je dostaviti cjenovnik koji važi na dan popravke.

Član 5.

Davalac usluga se obavezuje da robu fakturiše na osnovu radnog naloga potvrđenog od strane Naručioca usluga da je servis urađen.

Naručilac će voditi evidenciju potrošenih norma sati za određeni servis/popravku i na osnovu pismenog izvještaja o broju sati vršiti plaćanje.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po izvršenju usluga bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Davalac usluga je saglasan da Naručiocu usluga neće zaračunavati kamate za zakašnjenje prilikom plaćanja preko Trezora, ako je Naručilac usluga u ugovorenom roku predao nalog za plaćanje Trezoru BiH.

Član 6.

Davalac usluga daje garanciju na rezervne dijelove 6 do 12 mjeseci, u zavisnosti od normi proizvođača rezervnih dijelova.

Član 7.

Ovaj okvirni sporazum se zaključuje na period od 12 mjeseci, odnosno do zaključenja novog okvirnog sporazuma za iste usluge.

Član 8.

Na odnose između ugovornih strana koji nisu uređeni ovim okvirnim sporazumom primjenjuju se odredbe Zakona o obligacionim odnosima BiH.

Član 9.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 10.

Ovaj okvirni sporazum stupa na snagu danom potpisivanja od strane ovlaštenih lica ugovornih strana.

Član 11.

Ovaj okvirni sporazum je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA DAVAOCA USLUGA

Izvršni direktor

Darko Suvajac



Broj:

5619/14


Sarajevo,

17.09.15.

ZA NARUČIOCA USLUGA

Predsjednik

Šemsudin Čeman



Broj: P3-28/15-I

Sarajevo, HNB

9. 2015.